


摩訶般若波羅蜜鈔經

卷二

六十八
淡四

47459



摩訶般若波羅蜜鈔經卷第二

跋

符秦天竺沙門曇摩蜊共竺佛念譯

功德品第三

尔時諸因坻天諸梵天諸波耶和提天諸伊沙天諸那提軋天同時三反作是稱譽法賢者須菩提所說法甚深怛薩阿竭皆從是生其有聞者若諷誦讀有行者我輩恭敬視如怛薩阿竭我輩恭敬視菩薩摩訶薩持般若波羅蜜佛語諸天人如是如是皆我於提和竭羅佛前逮得般若波羅蜜我便為提和竭羅佛所授決言却後若當為人中之導悉當逮佛智慧却後無數阿僧祇劫汝當作佛号

字釋迦文天上天下於中最尊安定世間法
中極明号曰為佛諸天人白佛言甚善甚善菩薩
摩訶薩天中天行般若波羅蜜自致行到薩芸
若佛於天會中告諸比丘比丘尼優婆塞優
婆夷今以四輩為證欲天梵天阿波論天皆
共證知佛語釋提桓因拘翼若有善男子善
女人其有學般若波羅蜜持誦者是善男子
善女人魔若魔天若人若非人終不能得其
便亦不得橫死復次拘翼忉利天上諸天人
其有行佛道者未得般若波羅蜜學誦者是
輩天人皆當往到善男子善女人所其學持
誦般若波羅蜜者若行空閑屏隈之處終不

恐怖無所畏懼四天王白佛言我輩自共擁護是善男子善女人學般若波羅蜜持者誦者梵摩三鉢天及諸梵天人俱白佛言我輩自共擁護是善男子善女人學般若波羅蜜持者誦者釋提桓因白佛言我自擁護是善男子善女人學般若波羅蜜持者釋提桓因復白佛言難及天中天若善男子善女人有學般若波羅蜜者便得現在法其受般若波羅蜜者天中天為悉受六波羅蜜佛言如是拘翼其受般若波羅蜜者為悉受六波羅蜜復次拘翼若善男子善女人學持諷誦般若波羅蜜者拘翼且聽我說其人所得功德上

語亦善中語亦善下語亦善釋提桓因言受
教佛語拘翼其欲於我法中有所媿害亂者
其人稍稍起惡意欲來未至中道而亡是善
男子善女人用學般若波羅蜜持誦故其人
實惡往來至稍稍媿害亂意自止便屈還終
不至是者拘翼善男子善女人所作爲悉自
見得用學持誦般若波羅蜜故譬若有藥拘
翼名爲摩祇有蛇飢者行索食所當噉食道
逢虫豸蛇欲噉之虫行到摩祇藥所蛇聞藥
香即走還去何以故藥力所却蛇毒即歇藥
力所厭如是拘翼若善男子善女人學持誦
般若波羅蜜者其有欲害便自消亡用般若

波羅蜜威神力所却佛言設有謀作者所從來處便於彼闢破壞不復成四天王皆擁護是善男子善女人若入般若波羅蜜中思惟者自在所爲所語如甘露所語悉尊重瞋恚不生不自貢高四天王皆當擁護是善男子善女人學持誦般若波羅蜜者所語無有異所言如甘露所言不輕瞋恚不起自貢高不生何以故用學般若波羅蜜故不受貢高不受自用不受瞋恚是善男子善女人心自生念若有鬪諍常當遠離面自羞慙念是曹之惡而不可近自念我索佛道不可隨瞋恚語疾使我逮好心是善男子善女人所作爲悉

自見現在功德其學持誦般若波羅蜜者亦
尔釋提桓因白佛言離當天中天為般若波
羅蜜者乃過諸惡上去自在所作無有與等
者佛語釋提桓因復次拘翼善男子善女人
學持誦般若波羅蜜者或過極難之中終不
恐正使入軍不被兵佛言我所語無有異若
善男子善女人當是時念誦般若波羅蜜正
使於中當死若怨家在中欲共害之如佛所
語無有異是善男子善女人終不於中橫死
正使在中若有射者若有兵向者終不中其
身何以故是般若波羅蜜者極大呪持尊之
呪學是呪者善男子善女人不自念惡亦不

念他人惡都不念惡為人中之雄自致作佛
當護一切人學是呪者疾成得佛復次拘翼
若書般若波羅蜜學持誦經者若人若非人
不能害之除宿命之罪不可請避若佛初得
道處若有人從在方面來入其中若鬼神禽
獸欲來燒者終不能傷害何以故用過去當
來今現在佛悉從是處自致成佛以是故不
恐不怖無所畏懼般若波羅蜜者亦復如是
在所止處一切皆為作禮恭敬護現之釋提
桓因白佛言若有天中天書般若波羅蜜持
經卷自歸作禮承事者名華好香擣香雜香
澤香燒香繒綵華蓋幢幡以是供養若有持

怛薩阿竭阿羅呵三耶三佛舍利起塔自歸
作禮承事好華名香擣香雜香澤香燒香繒
綵華蓋幢幡持用供養佛問拘翼如是其福
何所為多者隨所樂報云何拘翼怛薩阿竭
阿羅呵三耶三菩自致薩芸若成佛身出見
從何法中學得阿耨多羅三耶三菩阿惟三
佛釋提桓因報言怛薩阿竭從般若波羅蜜
學得阿耨多羅三耶三菩自致成阿惟三佛佛
語釋提桓因不用身舍利故為從薩芸若得
佛怛薩阿竭者為從般若波羅蜜出如是拘
翼薩芸若身者為從般若波羅蜜出怛薩阿竭
阿羅呵三耶三菩為從薩芸若生我得作佛

身我般泥洹已後舍利亦得供養若有善男子善女人書般若波羅蜜學持誦行自歸作禮承事以好華名香擣香雜香澤香燒香繒綵華蓋幢幡持用供養即為供養薩芸若慧已復次拘翼其有書般若波羅蜜者持經卷雖不讀但供養作禮是善男子善女人從其中得功德無比何以故為供養薩芸若慧故釋提桓因白佛言如是天中天閻浮利人不供養事般若波羅蜜者是輩人不知般若波羅蜜為尊當得福無比佛語釋提桓因云何拘翼閻浮利人中有幾所信佛信法信比丘僧者釋提桓因白佛言閻浮利人少所信佛信

法信比丘僧者少少耳及行須陁洹斯陁含
阿那含阿羅漢辟支佛者少少耳能至行佛道
者亦復少少耳佛言如是拘翼至有索佛道
行者亦復少少耳求佛者不可計阿僧祇人
欲作菩薩行然後從其中出者若一若兩在
阿惟越致地立以是故拘翼若善男子善女
人行求佛道者學持誦般若波羅蜜經當為
作禮承事恭敬所以者何用曉般若波羅蜜
故過去恒薩阿竭阿羅呵三耶三佛本從菩
薩行般若波羅蜜所學我時亦在中學恒薩
阿竭般泥洹後菩薩摩訶薩悉當受是般若
波羅蜜恒薩阿竭般泥洹後拘翼若善男子

善女人取舍利供養起七寶塔盡壽自歸作
禮承事供養天華搗香澤香燒香雜香天繒
華蓋幢幡如是於拘翼意云何所作爲其福
寧多不釋提桓因言甚多甚多天中天佛言
不如善男子善女人書般若波羅蜜持經卷
自歸作禮承事供養名華好香擣香雜香澤
香燒香繒絲華蓋幢幡得福甚多佛言置是
塔拘翼若滿閻浮利七寶塔善男子善女人
盡形壽自歸作禮承事供養天華好香擣香
雜香澤香燒香天繒華蓋幢幡云何拘翼其
福寧多不釋提桓因言甚多甚多天中天佛
言不如善男子善女人書般若波羅蜜持經

卷自歸作禮承事供養名香好香擣香雜香
澤香燒香繒綵華蓋幢幡得福甚多佛言且
置是閻浮利所作塔滿四天下七寶塔拘翼
若善男子善女人盡形壽自歸作禮承事供
養天華好香擣香雜香澤香燒香天繒華蓋
幢幡其福寧多不釋提桓因言甚多甚多天
中天佛言不如善男子善女人書般若波羅
蜜持經卷自歸作禮承事供養名華好香擣
香雜香澤香繒綵華蓋幢幡得福甚多佛言
置四天下塔拘翼辟如一天下復次一天下
如是千天下四面皆滿七寶塔若善男子善
女人盡形壽自歸作禮承事供養天華好香

擣香雜香澤香燒香天繒華蓋幢幡云何拘
翼其福寧多不釋提桓因言甚多甚多天中
天佛言不如善男子善女人書般若波羅蜜
持經卷自歸作禮承事供養名華好香擣香
雜香澤香燒香繒蓋幢幡得福甚多佛言復
置千天下拘翼復次千小國土如是中爲二
千國土四面皆滿七寶塔若善男子善女人
盡形壽自歸作禮承事供養天華擣香雜香
澤香燒香天繒華蓋幢幡云何拘翼其福寧
多不釋提桓因言甚多甚多天中天佛言不
如善男子善女人書般若波羅蜜持經自歸
作禮承事供養名華好香擣香雜香澤香燒香

繒蓋幢幡得福甚多佛言置三千中國土拘翼
三千大千國土四面滿中七寶塔若有善男
子善女人盡形壽自歸作禮承事供養天華
擣香雜香澤香燒香天繒華蓋幢幡云何拘
翼其福寧多不釋提桓因言甚多甚多天中
天佛言不如善男子善女人書般若波羅蜜
持經卷自歸作禮承事供養名華好香擣香
雜香澤香燒香繒綵華蓋幢幡得福甚多佛
言置三千大千國土七寶塔拘翼若三千大
千國土中一切菩薩悉得爲人人人作七寶
塔是輩人盡形壽持偈伎樂歌儻天雜香名
華擣香澤香燒香繒綵華蓋幢幡持用供養

云何拘翼是功德福寧多不釋提桓因言其所作福德功德甚多甚多天中天佛言不如善男子善女人書般若波羅蜜持經卷目歸作禮承事供養名華好香擣香雜香澤香燒香繒綵華蓋幢幡得福甚多釋提桓因白佛言如是如是天中天其自歸般若波羅蜜作禮承事者為供養過去當來今現在佛菩薩若已釋提桓因復白佛置三千大千國土人人人所作七寶塔如恒河沙佛刹滿中人人悉起七寶塔皆供養一劫復至一劫持天華名香擣香雜香澤香燒香天繒華蓋幢幡以天上天下諸伎樂持用供養其福功德不

如善男子善女人書般若波羅蜜持經卷自
歸作禮承事供養名華好香擣香雜香澤香
燒香繒綵華蓋幢幡其所得福出過彼上佛
語釋提桓因如是拘翼不如善男子善女人
從法中得福極多不可計不可議不可稱不
可量不可極何以故拘翼怛薩阿竭阿羅呵
三耶三佛薩芸若者為從般若波羅蜜出如
是拘翼善男子善女人書般若波羅蜜持經
卷自歸作禮承事供養名華好香擣香雜香
澤香燒香繒綵華蓋幢幡如是拘翼是皆前
世功德所致佛言如恒邊沙佛刹百倍皆起
七寶塔不在計中千倍不在計中百千倍不

在計中萬億倍不在計中無數倍不在般若
波羅蜜供養計中亦時四萬天子與釋共來
會者皆謂釋提桓因尊者當取般若波羅蜜
當誦般若波羅蜜佛語釋提桓因當學持誦
般若波羅蜜何以故若阿須倫生念欲起兵
與忉利天共戰是時拘翼當念誦般若波羅
蜜阿須倫即休兵衆即還釋提桓因白佛般
若波羅蜜極大呪天中天般若波羅蜜極尊
呪無有輩呪佛言如是如是拘翼般若波羅
蜜為極大呪般若波羅蜜為極尊呪般若波
羅蜜無有輩呪是呪拘翼過去恒薩阿竭阿
羅呵三耶三佛皆從是呪自致作佛甫當來

諸怛薩阿竭阿羅呵三耶三佛皆學是呪自
致得佛今現在諸佛皆從是呪自致作佛是
呪者拘翼出十善功德照明於世四禪四諦
四神足五旬照明於世菩薩摩訶薩因漚和
拘舍羅中生十善功德照明世間復次拘翼
若善男子善女人學持誦般若波羅蜜者便
得現在法聽釋提桓因問佛云何當得今現
在法聽佛言其人終不橫死終不中毒死終
不於溺死終不兵死若時時遭縣官若為縣
官所侵當誦念般若波羅蜜往到其所終不
得危害何以故般若波羅蜜所擁護若為縣
官所呼召當誦念般若波羅蜜彼間若王若

太子傍臣所使與相見即得好語各皆歡喜
何以故用學般若若波羅蜜慈心愍傷哀念一
切人蚘飛蠕動故其欲得害者不能得其便
佛說是時有異道人遙見佛欲往亂座釋提
桓因自念言盡我壽常得在佛邊受誦般若
波羅蜜異道人欲且來必亂我令不得受般
若波羅蜜釋提桓因從佛所受誦般若波羅
蜜彼異道人即遙遠所繞天中天一而便從
彼道徑還去舍利弗心念云何異道人從彼
間中道而去佛知舍利弗心所念即言是異
道人無有好意來釋提桓因念般若波羅蜜
以故中道還去弊魔作是念怛薩阿竭阿羅

呵三耶三佛與四輩弟子共坐欲天梵天諸
天子悉復在中無有異人菩薩摩訶薩今受
決者當爲人中之將自致作佛我當往亂之
弊魔化乘一轆之車駕四馬稍稍欲前到佛
所釋提桓因念弊魔乘四馬之車欲來到佛
所非國王旃沙駟馬之車亦不類國王波斯
匿四馬之車亦非類釋種墮舍利種四馬之
車不類是弊魔所作常念索佛便欲亂世間
人釋提桓因常願欲念誦讀般若波羅蜜即
時心念般若波羅蜜且欲究竟弊魔即復道
還去忉利天上人持所化華飛在空中用散
佛上皆言使般若波羅蜜得人在閻浮利令

人悉得聞見便復持天上若干種華已散佛
上皆言其有行般若波羅蜜者守般若波羅
蜜者亦不為魔及魔天所得便釋提桓因白
佛言其聞般若波羅蜜者是輩人其福功德
不少何況學誦持者諷誦學已復行教人是
人前世已為見佛從聞般若波羅蜜何況學
持誦已行如中事者即為供養怛薩阿竭已
何以故欲得薩芸若者當從般若波羅蜜辟
如欲得極天寶者天中天當從大海欲得薩
芸若珍寶者天中天怛薩阿竭阿羅呵三耶
三佛當從般若波羅蜜索之佛言如是如是
拘翼怛薩阿竭阿羅呵三耶三佛為從薩芸

若出阿難白佛言無有說檀波羅蜜者亦不尸波羅蜜亦不羸提波羅蜜亦不惟逮波羅蜜亦不禪波羅蜜都無說是字者但共說般若波羅蜜何以故天中天佛語阿難般若波羅蜜五波羅蜜中最尊云何阿難不作薩芸若布施能為檀波羅蜜不不作薩芸若淨戒忍辱精進一心智慧能為尸羸惟逮禪波羅蜜不阿難言如是如是天中天無波羅蜜者為布施薩芸若者是檀波羅蜜無波羅蜜為戒忍辱精進一心智慧薩芸若者是般若波羅蜜佛語阿難用是故般若波羅蜜五波羅蜜中為最尊譬如掘地以種散其中同時俱

出生如是阿難般若波羅蜜者為生五波羅
蜜薩芸若者從般若波羅蜜成以是故阿難
般若波羅蜜於五波羅蜜為極大尊自在所
教釋提桓因白佛言怛薩阿竭阿羅呵三耶
三佛說善男子善女人從般若波羅蜜教學
持誦者說其功德未能竟佛語拘翼我不說
諷起者功德未竟說善男子善女人書般若
波羅蜜者持經卷自歸作禮承事供養名華
好香擣香雜香澤香燒香繒綵華蓋幢幡我
說是供養功德耳釋提桓因白佛我自擁護
視是善男子善女人書般若波羅蜜持經卷
自歸供養承事名華好香擣香雜香澤香燒香

繒綵華蓋幢幡者佛語拘翼善男子善女人誦
般若波羅蜜時若干百千天往到其所聽聞
其法若有於法不解欲問法師適作是念用
茲法故應時各解是善男子善女人便得今
現在法聽復次拘翼善男子善女人於四輩
弟子中說般若波羅蜜其心都無所難若形
試者終不畏何以故為般若波羅蜜所擁護
其所形試者便即而去佛言我了不見為般
若波羅蜜者何況欲形試般若波羅蜜即是
不能得見為般若波羅蜜之所馱服善男子
善女人無有敢輕易者心亦無所畏恐是善
男子善女人為悉見今現在所作功德法復

次拘翼若善男子善女人敬受父母沙門道人知識兄弟宗親中外或時其欲說惡事者持中正法為解說之是者拘翼善男子善女人便得今現在所作功德法復次拘翼善男子善女人書般若波羅蜜持經卷書四天王上諸天人索佛道者當到彼所問評聽受般若波羅蜜作禮繞竟便去忉利天上諸天人索佛道者當到彼所問評聽受般若波羅蜜作禮繞竟便去鹽天上諸天人索佛道者當到彼所問評聽受般若波羅蜜作禮繞竟便去是善男子善女人心當知無央數阿僧祇佛刹諸天人龍阿叉捷陀羅阿須倫迦樓羅

甄陀摩睺休人非人當來到是問問評聽受
般若波羅蜜作禮繞竟各自便去是即為施
兜術天上諸天人索佛道者當到彼所問評
聽受般若波羅蜜作禮繞竟便去是摩羅提
天上諸天人索佛道者當到彼間問評聽受
般若波羅蜜作禮繞竟便去波羅尼蜜和聽
拔致天上諸天人索佛道者當到彼所問評
聽受般若波羅蜜作禮繞竟便去梵迦夷天
梵富樓天梵波產天摩訶梵天盧天波利陀
天盧波摩那天阿陂巨菴天波利陀首呵天
阿波摩首天首呵迦天惟菴羅天阿比天阿
陀首天首陀施天阿迦膩吒天等諸天人皆

當到彼所問評聽受般若波羅蜜作禮繞竟
便各自去乃至阿迦膩吒天常悉來下何況
拘翼三千大千國土諸欲天人諸色天人悉
皆當來問評聽受般若波羅蜜作禮繞竟各
自還去是善男子善女人在所止處常當完
堅無有燒者除其宿命不請餘不能動是善
男子善女人便得今現在功德法諸天來時
當可知之釋提桓因云何天中天是善男子
善女人當何從知諸天來時聽受承事供養
作禮佛言善男子善女人若見光明知諸天
若龍闍義捷陀羅來聽受般若波羅蜜承事
作禮其心歡喜踊躍知已為來復次拘翼善

男子善女人曾所不聞香若聞香當知鬼神
來已復次拘翼善男子善女人當淨身體用
淨潔故鬼神皆大歡喜數往到彼所其人踊
躍如小天去大天來到以是辭之其威神甚
尊光明巍巍是善男子善女人常歡喜淨潔
任其病終不著身所止常得安隱未曾有惡
夢夢中不見餘但見佛但見塔但聞般若若波
羅蜜但見佛所坐樹但見法輪轉但見且欲
成佛時但見諸佛成得佛已轉法輪但見若
干菩薩但見說六波羅蜜種種為解慧但見
當作佛者但見餘佛刹但聞佛尊法但見某
方某刹怛薩阿竭阿羅呵三耶三佛若干百

千弟子若干億弟子佛在其中而說法是者
拘翼善男子善女人於夢中所見已便安隱
覺即身爲輕不復思食身如食軟美而飽辟
若比丘得禪從禪覺已其心軟好不大思食
自軟美飽如是拘翼是善男子善女人從覺
已不大思食自想身軟美如飽何以故拘翼
其邪鬼神不敢近是善男子善女人爲自見
今現在功德法已用學誦般若波羅蜜故若
有書寫雖不誦讀但持經卷自歸作禮承事
供養名華好香擣香雜香澤香燒香繒綵華
蓋幢幡復次拘翼或閻浮提中滿怛薩阿竭
舍利若般若波羅蜜經是二者欲取何釋提

桓因言我寧取般若波羅蜜何以故我不敢
不敬舍利天中天其舍利者爲從般若波羅
蜜出而得供養如我於諸天中而獨持坐或
時不在座上敢有天人來到者皆承事爲座
作禮所受教處便即而去般若波羅蜜出者
如是天中天出怛薩阿竭阿羅呵三耶三佛
舍利爲從薩芸若智慧出生閻浮利中滿怛
薩阿竭舍利正使天中天三千大千國土滿
中舍利爲一分般若波羅蜜經爲二分我從
二分之一中取般若波羅蜜何以故舍利爲從
中出自到得供養譬如負債之人天中天與
王者相知得甚敬愛無有問者亦無所畏何

以故在王邊得威力故天中天以從般若波
羅蜜者便出舍利而得供養般若波羅蜜譬
若如王其住附者輒為人所敬怛薩阿竭舍
利為從薩芸若出生便得供養是天中天薩
芸若慧怛薩阿竭阿羅呵三耶三佛為從般
若波羅蜜出當作是知兩分之中我取般若
波羅蜜其受般若波羅蜜持者譬如無價摩
尼珠天中天其有是寶無有與等者在所著
處鬼神不得其便不為鬼神所害若男子女
人無大無小其得取者持是摩尼珠著身其
鬼神即走去若中熱者持是摩尼珠著身上
其熱即為除若中風者持是摩尼珠著身上

其風即為除若中寒者持是摩尼珠著身上
其寒不復增即得除去若夜時持摩尼珠著
冥中即為悉明若熱時持摩尼珠在所著處
即為大涼若寒時持摩尼珠在所著處即為
大溫在所置處諸毒即為不行若男子女人
無大無小若蛇蟻所齧持是摩尼珠著之毒
即自去天中天是摩尼珠之為極尊若有人
病目痛者若得目冥持是摩尼珠近眼痛即
為除愈如是天中天摩尼珠之德甚大魏魏
若著水中水即如色持若干種繒鄭重裏摩
尼珠著其水中水即隨色若水濁者即時為
清摩尼之德而無與比阿難問釋提桓因云

何拘翼天上亦有摩尼閻浮利地上亦有摩
尼俱同摩尼何有差別即報阿難天上摩尼
者不與人間俱同閻浮利所有其光明自然
不足言耳如我所說即之有異其德甚尊十
倍百千倍萬億倍巨億萬倍如我所語摩尼
者若著篋中若著函中其光明徹照於外假
使舉珠出去其處續明如故般若波羅蜜者
是薩芸若之慧至怛薩阿竭阿羅呵三耶三
佛般泥洹去後舍利續得供養舍利者即為
薩芸若之函器復次天中天若三千大千國
土滿中舍利乃至恒邊沙佛刹滿中舍利合
為一分般若波羅蜜經為二分我寧從二分

之中取般若波羅蜜何以故怛薩阿竭為從
薩芸若生其舍利者從般若波羅蜜出自致
得供養若善男子善女人天中天欲見今現
在阿僧祇刹土諸佛當承法如般若波羅蜜
行當作是念佛語釋提桓因言如是拘翼過
去時怛薩阿竭阿羅呵三耶三佛皆從般若
波羅蜜自致成佛甫當耒怛薩阿竭阿羅呵
三耶三菩悉從般若波羅蜜當自致成佛
今現在在央數阿僧祇刹土諸佛亦從般若
波羅蜜自致成佛釋提桓因白佛言摩訶
波羅蜜天中天一切人蚘蜚蠕動若波羅蜜
悉了知之佛言菩薩摩訶薩用是知故晝夜

之中取般若波羅蜜何以故怛薩阿竭為從
薩芸若生其舍利者從般若波羅蜜出自致
得供養若善男子善女人天中天欲見今現
在阿僧祇刹土諸佛當承法如般若波羅蜜
行當作是念佛語釋提桓因言如是拘翼過
去時怛薩阿竭阿羅呵三耶三佛皆從般若
波羅蜜自致成佛甫當耒怛薩阿竭阿羅呵
三耶三菩悉從般若波羅蜜當自致成佛
今現在在劫數阿僧祇刹土諸佛亦從般若
波羅蜜自致成佛釋提桓因白佛言摩訶
波羅蜜天中天一切人蚘蜚蠕動若波羅蜜
悉了知之佛言菩薩摩訶薩用是知故晝夜

行般若波羅蜜釋提桓因言所以但行般若
波羅蜜不行餘波羅蜜者何佛言菩薩摩訶
薩悉行六波羅蜜般若波羅蜜於菩薩摩訶
薩為最尊若所施與般若波羅蜜為出其上
戒者無所犯忍辱者為自守精進者不懈怠
一心者而不亂悉見諸法是菩薩摩訶薩為
行般若波羅蜜譬若閻浮利地上拘翼種種
樹木若干種色各各異葉各各異華各各異
實各各異種其影者而無異即皆悉相類如是拘翼五
波羅蜜為從般若波羅蜜出薩芸若種種展
轉相得各有異釋提桓因白佛言極大尊之
德無過般若波羅蜜天中天不可計德無過

計德無過般若波羅蜜天中天無有已波羅
蜜天中天若有書般若波羅蜜持經卷自歸
作禮承事供養名華好香擣香雜香澤香燒
香繒綵華蓋幢幡中復有書般若波羅蜜者
持施與人其福何所爲多佛言故問拘翼自
恣報之若有但薩阿竭舍利自供養復分布
與他人令供養之中有自供養舍利不分布
與人其福何所多者釋提桓因言是善男子
善女人自供養舍利天中天復分與人其福
出彼上甚多佛言如是如是拘翼善男子善
女人若書般若波羅蜜持經卷自歸作禮承
事供養名華好香擣香雜香澤香燒香繒綵

華蓋幢幡復書經卷分與他人令供養之其
福甚大復次拘翼若法師在所至湊輒說經
法分教於人其功德甚大甚大復次拘翼閻
浮利人悉是善男子善女人皆令持十善云
何拘翼其福寧多不釋提桓因言甚多甚多
天中天佛言不如善男子善女人書般若波
羅蜜持經卷與人使書之若為人讀其福倍
多復次拘翼置閻浮利及四天下諸小千國
土二千中國土二千大國土乃至恒邊沙佛刹人悉是
善男子善女人皆令持十善云何拘翼其福
寧多不釋提桓因言甚多甚多天中天佛言
善男子善女人書般若波羅蜜持經卷與人

華蓋幢幡復書經卷分與他人令供養之其
福甚大復次拘翼若法師在所至湊輒說經
法分教於人其功德甚大甚大復次拘翼閻
浮利人悉是善男子善女人皆令持十善云
何拘翼其福寧多不釋提桓因言甚多甚多
天中天佛言不如善男子善女人書般若波
羅蜜持經卷與人使書之若為人讀其福倍
多復次拘翼置閻浮利及四天下諸小千國
土二千中國土二千大國土乃至恒邊沙佛刹人悉是
善男子善女人皆令持十善云何拘翼其福
寧多不釋提桓因言甚多甚多天中天佛言
善男子善女人書般若波羅蜜持經卷與人

使書若為人讀其福倍多獲次拘翼閻浮利
人悉是善男子善女人皆令行四禪四諦四
神足五旬云何拘翼其福寧多不釋提桓因
言甚多甚多天中天佛言不如善男子善女
人書般若波羅蜜持經卷與人使書之若為人
讀其福倍甚益多復次拘翼

置閻浮利四天下及三千大千國土乃至恒
邊沙佛刹人悉是善男子善女人皆令行四
禪四諦四神足及五旬悉令得成云何拘翼
其福寧多不釋提桓因言甚多甚多天中天
佛言不如善男子善女人書般若波羅蜜持
經卷與人使書之若為人讀其福轉倍復次

使書若為人讀其福倍多獲次拘翼閻浮利
人悉是善男子善女人皆令行四禪四諦四
神足五旬云何拘翼其福寧多不釋提桓因
言甚多甚多天中天佛言不如善男子善女
人書般若波羅蜜持經卷與人使書之若為人
讀其福倍甚益多復次拘翼

置閻浮利天下及三千大千國土乃至恒
邊沙佛刹人悉是善男子善女人皆令行四
禪四諦四神足及五旬悉令得成云何拘翼
其福寧多不釋提桓因言甚多甚多天中天
佛言不如善男子善女人書般若波羅蜜持
經卷與人使書之若為人讀其福轉倍復次

拘翼若有人讀般若波羅蜜者復教餘人令學之其福甚倍益多復次拘翼若有人自學般若波羅蜜復爲人解其慧得福轉甚倍多釋提桓因白佛言云何學般若波羅蜜解中慧者天中天佛言其不曉者爲解說之若有當來善男子善女人欲得阿耨多羅三耶三菩提阿惟三佛者應學般若波羅蜜反得惡師教學枝掖般若波羅蜜釋提桓因問佛何謂爲枝掖般若波羅蜜者佛言甫當來世有比丘欲學般若波羅蜜爲惡師所反教釋提桓因言何所爲反教者佛言教人學色之無常令人於色求無常作是行般若波羅蜜作無

常學痛癢思想生死識於識求無常作是行
般若波羅蜜拘翼是為枝掖般若波羅蜜佛
言其人作壞色行求色無常壞痛癢思想生
死識行於識求無常視其作是行者若有點
慧當持般若波羅蜜為解之其福轉倍益多
復次拘翼故閻浮利人若善男子善女人皆
令得須臾洹道云何拘翼其福寧多不釋提
桓因言甚多甚多天中天佛言不如善男子
善女人書般若波羅蜜持經卷與人使書之
教令學若為人讀其福倍益甚多何以故須
臾洹道者皆從般若波羅蜜出復次拘翼置
閻浮利正使三千大千國土乃至恒邊沙佛

刹人教令得斯陀含其福寧多不釋提桓因
言甚多甚多天中天佛言不如善男子善女
人書般若波羅蜜持經卷與人使書之教令
學若爲人讀其福德益甚多何以故薩芸若
德成法聽故從般若波羅蜜中成得佛便出
須陀洹道復次拘翼悉得斯陀含阿那含阿
羅漢道其福寧多不釋提桓因言甚多甚多
天中天佛言不如是善男子善女人書般若
波羅蜜持經卷與人使盡之若爲人讀其福
甚多以是故皆從是法各各悉得是般若波
羅蜜之所致何以故爲薩芸若法以學薩芸
若法便能教成須陀洹斯陀含阿那含阿羅

漢辟支佛置閻浮利人拘翼及三千大千國
土乃至恒邊沙佛刹人悉教善男子善女人
皆令得成須陀洹斯陀含阿那含阿羅漢辟
支佛道云何拘翼其福寧多不釋提桓因言
甚多甚多天中天佛言不如善男子善女人
書般若波羅蜜持經卷與人使書之教令學
若爲人讀其福益倍多何以故皆從般若波
羅蜜因薩芸若法德用是故得須陀洹斯陀
含阿那含阿羅漢辟支佛道用是故其福轉
倍益多復次拘翼閻浮利人都使發菩薩心
不如善男子善女人持般若波羅蜜經卷與
人使書教令學爲說之若授與阿惟越致菩

薩經書其人當從是學深入般若波羅蜜學
知般若波羅蜜者轉增益多守無極知因得
成就以是故其福轉倍甚多甚多置閻浮利
三千大千國土拘翼及如恒邊沙佛刹人皆
發心為阿耨多羅三耶三菩行不如善男子
善女人持般若波羅蜜經卷與人使書之教
令學為說之及授與阿惟越致菩薩經書使
人當從是學深入般若波羅蜜學知般若波
羅蜜者轉增益多守無極知因得成就以是
故其福轉倍甚多復次拘翼閻浮利人皆發
阿耨多羅三耶三菩行不如善男子善女人
持般若波羅蜜經卷與人使書之為解說其

慧令學之及授與阿惟越致菩薩摩訶薩般
若波羅蜜經為解中慧其福轉倍益多置閻
浮利三千大千國土乃至恒邊沙佛刹人皆
發阿耨多羅三耶三菩心不如善男子善女
人持般若波羅蜜經卷與人使書之教令學
入點慧中若授與阿惟越致菩薩摩訶薩般
若波羅蜜經為解中慧其福轉倍益多復次
拘翼閻浮利人皆令如阿惟越致菩薩所轉
多羅三耶三菩若有善男子善女人隨教人
入般若波羅蜜中云何拘翼其福寧多不釋
提桓因^言甚多甚多天中天佛言從是輩中若
有一菩薩便作是語我欲疾作佛正使欲疾

作佛不如人入般若波羅蜜者其福轉倍益
多置閻浮利三千大千國土乃至恒邊沙佛
剎人皆悉如阿惟越致菩薩阿耨多羅三耶
三喜若有教善男子善女人入般若波羅蜜
中云何拘翼其福寧多不釋提桓因言甚多
甚多天中仲夫佛言若有一菩薩從其中作是
言我欲疾作佛正使疾作佛不如持般若波
羅蜜授與人者其福轉倍益多釋提桓因白
佛言如是如是天中天極安隱者即菩薩摩
訶薩令近佛坐持衣食牀卧具供養醫藥所
當得不如持般若波羅蜜授人者其福轉
倍益多所以故天中天其得般若波羅蜜

者今近佛坐須善提語釋提桓因言善哉善哉拘翼於尊弟子菩薩摩訶薩中乃作是觀諸聲聞者因是而得成是輩人不索佛道者菩薩摩訶薩不當於中學六波羅蜜不學是法者不得作佛隨法如學疾成阿耨多羅三耶三菩便得至佛

摩訶般若波羅蜜鈔經卷第二

淡

垢

反直尼

屏隈

上必茗反
下烏迴反

豸

反池尔

蛸蜚

上於綠反
下芳微反

盞

反烏合

陂亘

上彼皮反
下居隆反

蟒

反莫朗

枝掖

支亦表羽店
二音反

會

音會

